

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編


齊魯書社

四庫全書存目叢書

集部
第三六八冊

責任編輯：孫言誠 賀 偉

ISBN 7-5333-0615-5



9 787533 306151 >

EB36/09

四庫全書存目叢書·集部三六八

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092毫米 16開本 51.375印張

1997年7月第1版 1997年7月第1次印刷

印數1—100

ISBN 7 5333 0615 5

Z·60 集部定價：127800圓

集部第三六八冊目次

集部・總集類

歷代古文國瑋集一百四十一卷(存一百三十九卷)(三)

〔明〕方岳貢評選

首都師範大學圖書館藏明刻本

.....

歷代古文國瑋集一百四十

一卷(存一百三十九卷)

(三)

〔明〕方岳貢評選

首都師範大學圖書館藏明刻本

附《四庫全書總目·國瑋集六

十一卷》提要

歷代古文國瑋集卷之十七

襄西方岳貢為修評選

唐文

獻年淮夷雅表

柳宗元

臣宗元言。臣負罪竄伏。違尚書殿。泰十有四年。聖恩
寬宥。命守遐壤。懷印曳綬。有社有人。臣宗元誠感誠
荷。頓首頓首。伏惟睿聖文武皇帝陛下。天造神斷。克
清大憝。金鼓一動。萬方畢臣。太平之功。中勝仲興之
德。推校千古。無所與讓。因伏自忖度。有方剛之力。不

古文國瑋集卷之十七

一唐文卷十七

得備戎行。致死命。況今已無事。思報國恩。獨惟文章。
伏見周宣王時。稱中興。其道彰大。于後罕及。然徵于
詩。大小雅。其選徒出。狩則車攻。吉日。命官分土。則崧
高。韓奕。奕烝入。南征北伐。則六月采芑。平淮夷。荆江漢。
常武。鏐鉤炳耀。聳人耳目。故宣王之形容。與其輔佐。
由今望之。若神人然。此無他。以雅故也。臣伏見陛下
自即位以來。平夏州。夷劍南。取江東。定河北。今又發
自天衷。克翦淮右。而大雅不作。臣誠不佞。然不勝憤
踊。伏以朝多文臣。不敢盡專數事。謹撰平淮夷雅二

篇雖不及尹吉甫召穆公等。底施諸後代有以佐唐之光明。謹昧死再拜以獻。臣宗元誠恐誠懼。頓首頓首。謹言。

子厚諸雅如金人伋立巖巖龍鱗可與李華諸頌竝爲一代樂府

段太尉退事狀

柳宗元

太尉始爲涇州刺史時。汾陽王以副元帥居蒲。王子晞爲尚書。領行營節度使。寓軍邠州。縱士卒無賴。邠人偷嗜暴惡者。卒以貨賈名軍伍中。則肆志。吏不得問。日羣行丐取於市。不賺。輒奮擊折人手足。椎剗鬪。歷聲。聲。盈道上。把臂徐去。至擅殺孕婦人。邠寧節度使白孝德以王故。戚不敢言。太尉自州以狀白府。願計事。至則曰。天子以生人分公理。公見人被暴害。因恬然。且大亂。若何。孝德曰。願奉教。太尉曰。某爲邠州。古文國華集卷之十七 三 唐文卷十七 甚適少事。今不忍人無辜暴死。以亂天子邊事。公誠以都虞候命某者。能爲公已亂。使公之人不得害。孝德曰。幸甚。如太尉請。既署一月。晞軍士十七人入市取酒。又以刃刺酒翁。壞釀器。酒流溝中。大尉列卒取十七人。皆斷頭注槊上。植市門外。晞一營大譟。盡甲。孝德震恐。召太尉曰。將奈何。太尉曰。無傷也。請解於軍。孝德使數十人從太尉。太尉盡辭去。解佩刀還老。健。者。一。人。持。馬。至。晞。門。下。甲。者。出。太。尉。笑。且。入。曰。殺一老卒。何甲也。吾戴吾頭來矣。甲者愕。因論曰。

古文國璋集卷之十七

四唐文卷七

尚書固負若屬耶。副元帥固負若屬耶。奈何欲以亂敗郭氏。爲白尚書出聽我言。晞出見太尉。太尉曰。副元帥勲塞天地。當務始終。今尚書恣卒爲暴。暴且亂。亂天子邊。欲誰歸罪。罪且及副元帥。今邪人惡子弟。以貨寵名軍。軍中殺害人如是不止。幾日不大亂。大亂由尚書出人。皆曰尚書倚副元帥不戢士。然則郭氏功名其與存者幾何。言未畢。晞再拜曰。公幸教。晞以道恩甚大。願奉軍以從。願叱左右曰。皆解甲。散還火伍中。敢譁者死。太尉曰。吾未脯食。請假設草具。既食。曰。吾疾作。願留宿門下。命持馬者去。且日來運軍中。晞不解衣。戒候卒擊析衛太尉。且俱至孝德所。謝不能。請改過。邠州由是無禍。先是太尉在涇州。爲營田官。涇大將焦令謀取人田。自占數十頃。給與農曰。且熟歸我半。是歲大旱。野無草。農以告。晞曰。我知入數而已。不知旱也。督責益急。且飢死無以償。即告太尉。太尉判狀辭甚異。使人求諭。晞盛怒召農者曰。我畏段某耶。何敢言我。取判鋪背上。以大杖擊二十垂死。輿來庭中。太尉太泣曰。乃我困汝。即自取

古文國璋集卷之十七

五唐文卷七

水洗去血。裂裳水灌。磨手注善藥。旦夕自哺。農者然。後食取騎馬。青市殺代償。使勿知。淮西寓軍帥尹少榮。剛直士也。入見。謀大罵曰。汝誠人耶。涇州野如藉。人且飢死。而必得殺。又用大杖擊無罪者。段公仁信。大人也。而汝不知敬。今段公唯一馬。賤賣市。殺入汝。汝又取不耻。凡爲人。做天災。犯大人。擊無罪者。又取。若殺。使主人出無馬。汝將何以視天地。尚不愧奴。耶。晞雖暴抗。然聞言則大愧。流汗不能食。曰。吾終不可以見段公。一夕自恨死。及太尉自涇州以司農。大殺三百死。太尉塔常暗堅拒不得命。至都。太尉怒曰。果不用吾言。昭謝曰。處賤無以拒也。太尉曰。然終不以在吾第。以如司農治事堂。樓之梁。上泚反。太尉終吏以告泚。泚取視其故。封識具存。

賀趙江陵宗儒辟符載啟

柳宗元

某啟伏聞以武都符載爲記室天下立志之士雖然相顧繼以歎息知爲善者得其歸嚮流言者有所聞執直道之所行義風之所揚堂堂焉實在荆山之南矣幸甚幸甚夫以符君之藝術志氣爲時聞人才位未曾盤桓固久中間因緣陪在危邦與時偃仰不廢其道而爲見忌嫉者橫致辱吻房給事以高節特立明之於朝王吏部以清議自任辯之於外然猶小人浮議固在交戰凡諸侯之欲得符君者城郭壤接而古文國華集卷之十七

壯得士之榮殊足慕樂

寄許京兆孟容書

柳宗元

宗元再拜五丈座前伏蒙賜書誨諭微悉重厚欣躍恍惚疑若夢寐捧書叩頭悸不自定伏念得罪來五年未嘗有故舊大臣肯以書見及者何則罪謗交積羣疑當道誠可怪而畏也是以元忘行尤負重憂殘骸餘寬百病所集瘡結伏積不食自飽或時寒熱水火互至內消肌骨非獨瘴癘爲也忽奉教命乃知幸爲大君子所宥欲使膏肓沉沒復起爲人夫何素望敢以及此宗元早歲與負罪者親善始奇其能謂可以共立仁義裨教化過不自料慙慙勉勵唯以中正信義爲志以興堯舜孔子之道利安元元爲務不知愚陋不可力彊其素意如此也末路孤危厄塞艱兀事既羣隔狼狽貴近狂疎繆戾蹈不測之辜羣言沸騰鬼神交怒加以素卑賤暴起領事人所不信射利求進者填門排戶百不一得一旦快意更造怨讎以此大罪之外詎訶萬端旁午構扇便爲敵讎協心同攻外連疆暴失職者以致其事此皆夫人所聞見不敢爲他人道說懷不能已復載簡牘此人雖萬被誅戮

不足塞責而登有賞哉今其當與幸獲寬貸各得善地無公事坐食俸祿明德至渥也尚何敢更俟除瘡痼以希望外之澤哉年少氣銳不識幾微不知當不但欲一心直達果陷刑法皆自所求取得之又何怪也宗元於衆黨人中罪狀最甚神理降罰又不能即死猶對入言詭求食自活迷不知耻日復一日然亦有大故自以得姓來二千五百年代爲家嗣今抱非常之罪居夷獠之鄉卑濕昏霧恐一日填委溝壑曠隆先緒以是怛然痛恨心骨沸熱煢煢孤立未有

古文園瑣集

卷之十七

唐文卷十七

子息荒陬中少士人女子無與爲婚世亦不肯與罪人親昵以是嗣續之重不絕如續每常春秋時養牙立捧奠顧盼無後繼者慄慄然歔歔惕惕恐此事便已推心傷骨若受鋒刃此誠夫人所昔憫惜也先墓在城南無異子弟爲主獨託村隣自譴逐來消息存亡不一至鄉間主守者固以益怠晝夜哀憤懼便毀陽松柏芻牧不禁以成大戾近世禮重拜掃今已闕者四年矣每遇寒食則北向長號以首頓地想田野道路士女遍滿皁隸庸丐皆得上父母丘墓馬醫夏

連類可赴
不忍多語

畦之鬼無不受于孫追養者然此已息望又何以云哉城西有數頃田樹果數百株多先人手自封植今已荒穢恐便斬伐無復愛惜家有賜書三千卷尚在善和里舊宅宅今已三易主書存亡不可知皆付受所重常繫心腑然無可爲者立身一敗萬事瓦裂身殘家破爲世大僇復何敢更望大君子撫慰收卹尚置人數中耶是以當食不知辛酸節適洗沐盥漱動逾歲時一搔皮膚塵垢滿爪誠憂恐悲傷無所告愬以至此也自古賢人才士秉志遵分被謗譏不能自

古文園瑣集

卷之十七

唐文卷十七

明者僅以百數故有無兄盜嫂妻孤女云云婦翁者然賴當世豪傑分明辨別卒光史籍管仲遇盜升爲功臣匡章被不孝之名孟子禮之今已無古人之實爲而有詬欲望世人之明已不可得也直不疑買金以償同舍劉寬下車歸牛鄉人此誠知疑似之不可辨非口舌所能勝也鄭詹束縛於晉終以無死鍾儀南音卒獲返國叔向囚虜自期必免危庭騎危以生易死蒯通據易耳爲齊上客張蒼韓信伏斧鑕終東將相鄒陽獄中以書自活賈生斥逐復召宜室倪寬

積死。後至御史大夫董仲舒。劉向。下獄當誅。為漢儒宗。此皆環偉博辯奇壯之士。能自解脫。今以恒怙。洪。泌。下才。末伎。又嬰恐懼。病。雖欲慷慨。攘臂。自同。昔。人。愈。疎。調。矣。賢者不得志於今。必取貴於後。古之著。書者。皆是也。宗元近欲務此。然力薄才劣。無異能解。雖欲秉筆。視續神志。荒耗。前後遺忘。終不能成章。往。時讀書。自以下至。觚。滯。今皆頽然。無復省錄。每讀古。人。一。傳。數。紙。已。後。則。再。三。伸。卷。復。觀。姓。氏。旋。又。廢。失。假。令。萬。一。除。刑。部。囚。籍。復。為。士。列。亦。不。堪。當。世。用。矣。

古文國璋集 卷之十七 子唐文卷十七

伏惟興哀於無用之地。垂德於不報之所。但以通家。宗祀為念。有可動心者。操之勿失。不敢望歸掃塋域。退託先人之廬。以盡餘齒。姑遂少北。益輕瘴癘。就婚。娶。求。微。嗣。有。可。付。託。即。冥。然。長。辭。如。得。甘。寢。無。復。恨。矣。書辭繁委。無以自道。然仰文以求其志。君子固得。其肺肝焉。無任懇戀之至。不宜宗元再拜。

此書本源太史公而其抑壯悲慨更為深至非其
 幽愁放廢又何以激發而為此哉

與楊京兆惠書 柳宗元

月日宗元再拜獻書丈人役人胡要運令奉教。誨。壯。厲。感。發。鋪。陳。廣。大。上。言。推。延。賢。雋。之。道。難。於。今。之。世。次。及。文。章。末。以。愚。蒙。剝。喪。頓。悴。無。以。守。宗。族。復。田。畝。為。念。憂。憫。備。極。不。惟。其。親。密。故。舊。是。與。復。有。公。言。顯。實。許。其。素。尚。而。沒。其。忠。誠。者。用。是。踊。躍。敬。懼。類。勸。時。用。被。簡。牘。萬。萬。有。加。焉。故。敢。悉。其。愚。以。獻。左。右。大。凡。薦。舉。之。道。古。人。之。所。謂。難。者。其。難。非。苟。一。而。已。矣。知。之。難。言。之。難。聽。信。之。難。夫。人。有。有。之。而。耻。言。之。者。有。之。而。樂。言。之。者。有。無。之。而。工。言。之。者。有。無。之。而。不。言。似。有。之。者。有。之。而。耻。言。之。者。上。也。雖。舜。猶。難。知。之。孔。子。亦。曰。失。之。子。羽。下。斯。而。言。知。而。不。失。者。妄。矣。有。之。而。言。之。者。次。也。德。如。漢。光。武。焉。衍。不。用。才。如。王。景。略。以。尹。緯。為。今。史。是。皆。終。日。號。鳴。大。吒。而。卒。莫。之。省。無。之。而。工。言。者。賊。也。趙。括。得。以。代。廉。頗。馬。謖。得。以。惑。孔。明。今。之。若。此。類。者。不。乏。於。世。將。相。大。臣。聞。其。言。而。必。能。辨。之。者。亦。妄。矣。無。之。而。不。言。者。土。木。類。也。周。仁。以。重。臣。為。二。千。石。許。靖。以。人。譽。而。致。位。三。公。近。世。尤。

古文國璋集 卷之十七 子唐文卷十七

好此類以爲長者。最得薦寵。夫言朴愚無害者。其於田野鄉閭爲匹夫。雖稱爲長者可也。自抱關擊柝以往。則必敬其事。愈上則及物者愈大。何事無用之朴哉。今之言曰。某子長者。可以爲大官。類非古之所謂長者也。則必土木而已矣。夫俸土揭木而致之。巖廊之上。蒙以絃冕。冀以徒隸超走其左右。豈有補於萬民之勞苦哉。聖人之道不益於世用。凡以此也。故曰知之難。孔子曰。仁者其言也訥。孟子病未同而言。然則彼未吾信而吾告之以士。必有三間。是將曰彼誠古文園瑋集卷之十七
主唐文卷十七

知士歟。知文歟。疑之而未重。一問也。又曰彼無乃私好歟。交以利歟。二問也。又曰彼不足我而慕我哉。茲弗吾事。三問也。長是而不言。故曰言之難。言而有是患。故曰聽信之難。唯明者爲能得其所以薦。得其所以聽。一不至則不可冀矣。然而君子不以言聽之難。而不務取士。士理之本也。苟有司之不吾信。吾知之不捨。其必有信吾者矣。苟知之。雖無有司而士可以顯。則吾一旦操用人之柄。其必有施矣。故公卿之大任。莫若索士。士不預備而熟講之卒。然君有問焉。宰

相有咨焉。有司有求焉。其無所以應之。則大臣之道或闕。故不可憚煩。今之世言士者。先文章。文章士之末也。然立言存乎其中。卽末而操其本。可十七八。未易忽也。自古文士之多。莫如今。今之後生爲文。希屈馬者。可得數人。希王褒劉向之徒者。又可得十人。至陸機潘岳之比。累累相望。若皆爲之不已。則文章之大盛。古未有也。後代乃可知之。今之俗耳庸目。無所取信。傑然特異者。乃見此耳。夫人以文律通流當世。叔仲鼎列。天下號爲文章家。今又生敬之。敬之希屈馬者之一也。天下方理平。今之文士咸能先理。理不一斷於古書。老生直趣堯舜大道。孔氏之志。明而出之。又古之所難有也。然則文章未必爲士之末。獨承取何如耳。宗元自小學爲文章。中間幸聯得甲乙科第。至尚書郎。專百官章奏。然未能究知爲文之道。自貶官來。無事讀百家書。上下馳騁。乃少得知文章利病。去年吳武陵來。美其齒少。才氣壯健。可以與西漢之文章。自與之言。因爲之出數十篇書。庶幾鏗鏘陶治。時時得見古人情狀。然彼古人亦人耳。夫何遠哉。

古文園瑋集卷之十七

主唐文卷十七

今之人
不知此

凡人可以言古。不可以言今。桓譚亦云。親見楊子雲。容貌不能動人。安肯傳其書。誠使博如莊周。哀如屈原。與如孟軻。壯如李斯。峻如馬遷。富如相如。明如賈誼。專如楊雄。猶爲今之人。則世之高者。至少矣。由此觀之。古之人。未必不薄於當世。而榮於後世也。若吳子之文。非文人無以知之。獨恐世人之才高者。不肯久學。無以盡訓詁風雅之道。以爲一世甚盛。若宗元者。才力缺敗。不能遠騁高厲。與諸生摩九宵。撫四海。夸耀於後之人矣。何也。凡爲文。以神志爲主。自遭責

古文國華集卷之十七

唐文卷十七

逐繼以大故。荒亂耗竭。又常積憂恐。神志少矣。所讀書。隨又遺忘。一二年來。痞氣尤甚。加以衆疾。動作不常。耗耗然騷擾。內生靈霧。填擁慘沮。雖有意窮文章。而病奪其志矣。每聞人大言。則氣震怖。撫心按臆。不能自止。又永州多火災。五年之間。四爲大火所迫。徒跣走出。壞牆穴牖。僅免燔灼。書籍散亂毀裂。不知所往。一遇火恐累日。茫洋不能出言。又安能盡意於筆硯。矻矻自苦。以傷危敗之寬哉。中心之惘惘鬱結。具載所獻許京兆友人書。不能重煩於陳列。凡人之

古文國華集卷之十七

唐文卷十七

黜棄皆望。望思得效用。而宗元獨以無有是念。自以罪大不可解。才質無所入。苟焉以叙憂慄爲幸。敢有他志。伏以先君稟孝德。秉直道。高於天下。仕再登朝。至六品官。宗元無似。亦嘗再登朝。至六品矣。何以堪此。且柳氏號爲大族。五六從以來。無爲朝士者。豈愚蒙獨出數百人右哉。以是自忖。官已過矣。寵已厚矣。夫知足。與知止。異。宗元知足矣。若便止。不受祿位。亦所未能。今復得好官。猶不辭讓。何也。以人望人。尚足自進。如其不至。則故無憾。進取之志息矣。身世子然無可以爲家。雖甚崇寵之。孰與爲榮。獨恨不幸。獲託姻好。而早凋落。寡居十餘年。嘗有一男子。然無一日之命。至今無以託嗣續。恨痛常在心目。孟子稱不孝有三。無後爲大。今之汲汲於世者。唯懼此而已矣。天若不棄先君之德。所有世嗣。或者猶望延壽命。以及大宥得歸鄉閭。立家室。則子道畢矣。過是而猶競於寵利者。天厭之。天厭之。夫人且夕歸朝廷。復爲大僚。伏惟以此爲念。流涕頓顙。布之座右。不勝感激之至。宗元再拜。

中間論人才虛實處可補人物志所未備

古文國璋集卷之十七

去

與蕭翰林倪書

柳宗元

思謙兄足下。昨祁縣王師範過永州。爲僕言得張左
司書道思謙。蹇然有當官之心。乃誠助太平者也。僕
聞之喜甚。然微王生之說。僕豈不素知耶。所喜者耳
與心叶。果於不謬焉爾。僕不幸嚮者進當絕軌不多
之勢。平居閉門。口舌無數。況又有久與游者。乃岌岌
而操其間。其求進而退者。皆聚爲仇怨。造作粉飾。蔓
延益肆。非的然昭晰自斷於內。則孰能了僕於冥冥
之間哉。然僕當時年二十三甚少。自御史裏行得禮
部員外郎。起取顯矣。欲免世之求進者。怪怒媚嫌。其
可得乎。凡人皆欲自達。僕先得顯處。才不能踰同列。
名不能歷當世。世之怒僕宜也。與罪人交十年。官又
以是進。辱在附會。聖朝弘大。貶黜甚薄。不能塞衆人
之怒。謗語轉移。驚驚嗷嗷。漸成怪民。飾智求仕者。更
言僕以悅。隸人之心。日爲新奇。務相喜。可自以速援
引之路。而僕輩坐益困辱。萬罪橫生。不知其端。伏自
思念。過大恩甚。乃以致此。悲夫。人生少得六七十者。
今已三十七矣。長來覺日月益促。歲歲更甚。大都

路同
不足怪如

古文國璋集卷之十七

七 唐文卷十七

似李都
府青

此必當時
人爲
之詞

過數十寒暑。則無此身矣。是非榮辱。又何足道。云云。不已。祇益爲罪。兄知之。勿爲他人言也。居蠻夷中。久慣習炎毒。昏眊重。腿意以爲常。忽遇北風。晨起薄寒。中體則肌革慘慄。毛髮蕭條。然注視休惕。以爲異候。意緒殆非中國人。楚越間聲音。特異。鵠舌。嗥。今聽之。怕然不怪。已與爲類矣。家生小童。皆自然曉曉。晝夜滿耳。聞北人言。則啼呼走匿。雖病夫亦但然駭之。出門見適州閭市井者。其十有八九。杖而後興。自料居此尚復幾何。豈可更不知止言說。長短重爲一古文國瑋集卷之十七
世非笑哉。讀周易困卦。至有言不信。尚口乃窮也。往復益喜。日嗟乎。余雖家置一喙。以自稱道。詎益甚耳。用是更樂瘖默。思與木石爲徒。不復致意。今天子興教化。定邪正。海內皆欣欣怡愉。而僕與四五子者。獨淪陷如此。豈非命歟。命乃天也。非云云者。所制。余又何恨。獨喜思謙之徒。遭時言道。道之行。物得其利。僕誠有罪。然豈不在一物之數耶。身被之。目覩之。足矣。何必攘袂用力。而矜自我出耶。果矜之又非道也。寧誠如此。然居理平之世。終身爲頑人之類。猶有少耻。

古文國瑋集卷之十七

未能盡忘。儻因賊平。慶賞之際。得以見白。使受天澤。餘潤。雖朽枿敗腐。不能生植。猶足蒸出芝菌。以爲瑞物。一釋廢銅。移數縣之地。則世必曰罪猶解矣。然後收召鳧鳬。買土一鄧。爲耕畔。朝夕誦誼。使成文章。庶水鐸者。采取獻之法。官增聖唐大雅之什。雖不得位。亦不虛爲太平之人矣。此在望外。然終欲爲兄一言焉。宗元再拜。

此子厚所謂芝菌者也

與李翰林建書

柳宗元

杓直足下。州傳遽至。得足下書。又於夢得處得足下。下前欠一書。意旨勤厚。莊周言。逃世者。聞人足音。則蹙然喜。僕在蠻夷中。比得足下二書。及致藥餌。喜復何言。僕自去年八月來。病疾稍已。往時間一二日。作。今一月乃二三作。用商人檳榔餘甘。破決壅隔。大過。陰邪雖敗。已傷正氣。行則膝顫。坐則髀痺。所欲者。補氣豐血。強筋骨。輔心力。有與此宜者。更致數物。得良方。借至益善。永州於楚為最南。狀與越相類。僕悶

古文圖彙卷之十七

唐文卷十七

郎出游。復多恐。涉野則有螭咆大峰。仰空視地。寸步勞倦。近水即畏射工沙虱。含怒竊發。中人形影。動成瘡痛。時到幽樹好石。暫得一笑。已復不樂。何者。譬如囚拘圜土。一遇和景。負牆搔摩。伸展支體。當此之時。亦以為適然。顧地窺天。不過尋丈。終不得出。豈復能久為舒暢哉。明時百姓。皆獲歡樂。僕士人。頗識古今理道。獨愴愴如此。誠不足為理世下執事至此。愚夫愚婦。又不可得。竊自悼也。僕曩時所犯足下。適在禁中。備觀本末。不復一一言之。今僕瘴癘頑鄙。不

幸甚。苟為堯人。不必立事程功。唯欲為量移官。差輕罪累。即便耕田藝麻。取老農女為妻。生男育孫。以供

力役。時時作文以詠太平。推傷之餘氣。力可想。假令病盡已。身復壯。悠悠人世。不過為三十年客耳。前過三十七年。與瞬息無異。復所得者。其不足把玩。亦已審矣。杓直以為誠然乎。僕近求得經史諸子數百卷。嘗候戰悸稍定。時即伏讀。頗見聖人用心。賢士君子立志之分。若書亦數十篇。心病言少。次第不足。遠寄但用自釋。貧者士之常。今僕雖羸。亦甘如飴矣。足

古文圖彙卷之十七

唐文卷十七

下言已白常州。僕坐敗。東人待常州。若東人。即不復煦僕矣。然常州未嘗有書。遺僕。僕安敢先焉。裴應叔蕭思謙。僕各有書。足下求取觀之。相戒勿忘。人敦詩在近地。簡人事。今不能致書。足下默以此書見之。勉盡志慮。輔成一王之法。以有罪戾。不悉。恭白。述南方流人之苦。備極悲楚。

與韓愈論史官書

柳宗元

正月二十一日某頓首十八丈退之侍者前獲書言史事云具與劉秀才書及今乃見書藁私心甚不喜與退之往年言史事甚大謬若書中言退之不宜一日在館下安有探宰相意以爲苟以史禁一韓退之耶若果爾退之豈宜虛受宰相榮已而冒居館下近密地食奉養役使掌固利紙筆爲私書取以供子弟費古之志於道者不若是且退之以爲紀錄者有刑禍避不肯就尤非也史以名爲褒貶猶且恐懼不敢爲設使退之爲御史中丞大夫其褒貶成敗人愈益顯其宜恐懼尤大也則又將揚揚入臺府美食安坐行呼唱於朝廷而已耶在御史猶爾設使退之爲宰相生殺出入升黜天下士其敵益衆則又將揚揚入政事堂美食安坐行呼唱於內庭外衙而已耶何以異不爲史而榮其號利其祿者也又言不有人禍則有天刑若以罪夫前古之爲史者然亦甚惑凡居其位思直其道苟直雖死不可回也如回之莫若亟去其位孔子之困于魯衛陳宋蔡齊楚者其時暗諸

古文圖華集卷之十七

主唐文卷十七

侯不能以也其不遇而死不以作春秋故也當其時雖不作春秋孔子猶不遇而死也若周公史佚雖紀言書事猶遇且顯也又不得以春秋爲孔子累范曄惇惡雖不爲史其族亦赤司馬遷觸天子喜怒班固不檢下崔浩沽其直以聞暴虜皆非中道左丘明以疾盲出於不幸子夏不爲史亦盲不可以是爲戒其餘皆不出此是退之宜守中道不忘其直無以他事自恐退之之恐唯在不直不得中道刑禍非所恐也凡言二百年文武事多有誠如此者今退之曰我一人也何能明則同職者又所云若是後來繼今者又所云若是人人皆曰我一人則卒誰能紀傳之耶如退之但以所聞知孜孜不敢怠同職者後來繼今者亦各以所聞知孜孜不敢怠則底幾不墜使卒有明也不然徒信人口語每每異辭日以滋久則所云磊軒天地者決必不沉沒且亂雜無可考非有志者所忍恣也果有志豈當待人督責迫感然後爲官守耶又凡鬼神事渺茫荒惑無可準明者所不道退之之智而猶隴於此今學如退之辭如退之好言論記

古文圖華集卷之十七

主唐文卷十七

退之慷慨自爲正直行行焉如退之猶所云若是則唐之史述其卒無可託乎明天子賢宰相得史才如此而又不果甚可痛哉退之宜更思可爲速爲果卒以爲恐懼不敢則一日可引去又何以云行且謀也今當爲而不爲又誘館中他人及後生者此大惑已不勉已而欲勉人難矣哉

觀退之諫佛骨之表論庭湊之辨必非怯于禍而不爲者但以史緒紛雜難于綜理故解設而爲是言而子厚折之可謂當其理矣

與史官韓愈書

柳宗元

退之前者書進退之力史事奉恭誠中吾病若疑不得實來即籍者諸皆是也退之平生不以不信見遇竊自冠好遊邊上問故老卒吏得假太尉事最詳今所趨走州刺史崔公時賜言事又具得太尉實跡按備具太尉大節古固無有然人以爲偶一奮遂名無窮今大不然太尉自有難在軍中其處心未嘗虧側其莅事無一不可紀會在下名未達以故不聞非直以一時取効爲諒也史遷死退之復以史道在職

宜不苟過日時昔與張之期爲史志甚壯今孤囚廢網連遭瘴癘羸頓朝夕就死無能爲也第不能竟其業若太尉者宜使勿墜太史遷言荆軻微夏無且言大將軍徵蘇建言留侯徵畫客貌今孤囚廢辱雖不及無且建等然比畫工傳客貌尚差勝春秋傳所期傳信傳著雖孔子亦猶是也竊自以爲信且著其選事有狀

子厚雅慕名節不幸失身故于太尉每舉筆也